



觀察下



釋良忠述

往生要集卷中義記第五

第四觀察門即有標釋觀察者論註云心緣其事曰觀
觀心分^{ナラ}明曰察已觀是慧數簡擇為義故止觀行名為
定慧釋中四初^{タメ}簡堪不就色相觀二此分下^{タメ}列觀隨
樂三初別下別釋四問答決疑初心觀行不堪深興
者未入道位博地底下位名為初心疏記四云博地
之言無教可准比今客博地中極初心著相凡夫不
無理觀故云深奧問論新發意應是信位經論初心
多在信位是以起信信位初心為往生機若尔何為
今證答信位尚修事行况乎今時俗凡耶先念佛等

者止觀，二云漸變，九明新發意先念佛，色相相体相業相果相用，得下勢力，次念佛四十不共法心，得中勢力，次念實相，得上勢力，上佛教本意即在達理，故雖修事終，移理行故，賢護云，如是次第得空三昧，彼止觀中正勸深奧以為本意，亦勸稱名以助理觀謂稱名有滅罪力，故稱念佛名，本佛毛光嚴飾身光身光可愛，其量一尋，問廣論之，三十二相八十種好具可舉之，若略言之，唯可局於三十二相，何離二途，舉四十二答三十二相為本，其因舉好中勝者，經々異相，隨機順緣，章疏不同，任彼施設，故大般若具說相

好觀佛經說五十二種，觀念門中舉二十七種，今要集列四十二種，般若道說如來諸相觀佛經約行者觀儀。

初心觀行不堪深奧者，問初心何位，答指博地，欲未入道位底，下位也，疏記四云，博地之言無教可准，上今容博地中極初心，問深奧分何答無相理觀也，今釋異止觀意，彼勸深奧以為本意，雖勸稱名為助理觀謂稱名有滅罪力，故稱念佛名，除障觀理，今遮無相勸色相觀，不堪觀相，勸稱名也，道師異之，遮觀勸稱以為本意此三重義先師初謁祖師之時，種々被

立替聞之生渴仰心云尋云作願門明緣理發心今何遮之答今遮理觀為初心人上勸緣理為堪能人若不堪機設不堪勤修為令解知諸法本體故解了之時明緣理觀修行之時勸色相故上下文更不相違又諸經中等者大集賢護般舟三昧文殊般若等經也如群疑論明淺深觀引此等經一別相觀等者問此三種觀名義如何答觀於佛身一一別相名別相觀觀佛惄相色身光明等名惄相觀略觀依正二報自往生等相名雜略觀對觀四十二重故名為雜對上惄別二相廣觀故名略尋云見下別釋雜略極

略并稱名等別科立之今何不標極略稱名答或後二文狹少故或雜略中攝後二故尋云此三種觀為約一人答約別人以文云隨意樂用之故或有一人樂觀三種如一人用惄別念處別釋自三初別相觀者祖師云斯有二初先觀華座次觀相好也即出三十二相好始自頂上終至足下順逆觀之也付之有廣略云文有標釋釋中自二初先觀華座等者一料簡如傳通記滅除五万劫等者問何故註書答為准後觀引餘文明業因滅罪等相也次觀相好有六初正觀相好二是諸下簡取所依三又相好下明

惣別業因四前後下明今隨宜有觀次第五相好下
明依例有相好間雜六順觀下明順逆觀或樂廣觀
者別相廣觀隨機亦有廣略異如釋尊髮長等者問
大經四云生七日已示現剃髮諸人皆謂我是嬰兒
初剃髮一切人天無有能見我頂相者况有持刀臨
之剃髮已准之釋尊生後經七日已示現剃髮何有
長髮荅經六異說况既云示現剃髮故知定有實髮
又或示長髮相或現無髮相皆是舉隨機所見也髮
毛金精者紺青從銅生故第三觀注樂廣觀者淮餘
廣略並明此中亦可成廣略觀然相難分故廣略機

同用斯觀陀羅尼人者法華云陀羅尼菩薩共一處
已有云地上證位欵問五六兩觀何無廣略荅准餘
自然略也如兜綿珂雪者十住論云手柔軟猶如兜
羅樹綿上珂玉雪霏雪俱辭白色佛眼青白上下俱
胸者人眼上睂下不睂畜眼下睂上不睂佛眼上下
同睂故云俱也如鑄金挺者孟蘭盆記云挺謂挺直
已經音義云銅鐵撲也已四牙觀舉唇口滅罪者四
牙益未檢故准脣口等舌相至梵天者文句云福德
人至鼻三藏佛至髮際大乘佛至梵天已不訟等者
俱含云聲無異熟生不訟不謗展轉為因十住論六

云聲如梵王迦陵頻伽鳥故名梵音聲上已十七中點相者有云點伎他免十八中擲等者飛鉢通丸聖多在辟支佛從鞍馬與鉢來奪取淨藏貴所鉢米驗之是小兒鉢出發心集十八變者名句下云一振動二熾然三流布四示現五轉變六往來七卷八舒九衆像入身十同類往趣十一隱十二顯十三所作自在十四制他神通十五能施弁才十六能施憶念十七能施安樂十八放大光明一足下皆有文字等者有云聲聞足下有四諦文字緣覺足下有十二因緣文字其皆顯法門之義故云宣說十九中缺龕骨滿相者有云玉懸骨

是名缺龕骨骨上陷中名缺龕穴佛其穴滿無陷相也明堂經云一名天蓋肩上橫骨陷者中上已二十二中合掌恭敬者問爲等雖恐所尊何有合掌答合掌是恭敬義故敬所尊云合掌也二十三中華赤銅者華是讚言色如赤銅廿六中如師子王者如師子臆廣也獑悽者可惡形也廿七中胸有万字者華嚴經四十八云如來胸臆有大人形如卍字名吉祥海雲已上已問此万字為梵字為漢字答是梵字欵大宋高僧傳云譯音不譯字如佛胸前字是上已問若余違長木首楞嚴經疏彼文云万字者表無漏性德梵云阿悉

底迦此云有樂即是吉祥勝德之相有此相必受安樂則天長壽二年權製此字安於天樞其形如此𠂔音為方字佛胸前有此之形八種相中此當第一謂吉祥万德之所集也上答佛胸𠂔字雖是梵字而漢朝始作似斯之字欵有云此字則天皇后譯八十華嚴之時新造十六字其隨一也問何故名實相印答內證万德顯外相故欵廿八中如來心相等者葉々相重如紅蓮故觀佛經四云見如來心如紅蓮蓮令映飾紅華金光不開不合圓圓如心上問心相與如心其別如何答有云心相肉團根也如心者佛心相

如凡夫心相也卅一二中世尊身相世尊体相者問其別如何答有云身相局身体相及手足等是廣狹異也如尼拘陀樹者經音義云舊譯云無節或言從廣也上俱舍頌疏云諾瞿陀樹子甚少而生天樹蔭得五百乘車也上卅五中福田非福田者敬田云福田謂三寶也悲田云非福田謂乞山等也卅六中毘泥耶仙鹿王者問毘泥耶仙人云仙鹿王欵將毘泥耶仙與鹿王並舉二欵答中筆大般若音義云毘泥耶或云伊尾延陀此翻庶王其鹿王脣最長勝故取為名也上已有師云毘泥耶此翻庶皮已准此等說梵漢

並舉也。卅八中足趺等者足上面也。故云龜背下說。足下平蒲是足裏也。卅一中業因同前手相者有云指上廿二三四相也。四十二樂廣者應觀足下及跟各生一華者妙云。問今第四十二相好是何付之有。二疑上所舉相好指一相上云樂廣者委申之更不為別數而何云四十一足下平蒲四十二中樂廣者為別數而何云四十一足下平蒲四十二中樂廣者足下及跟哉次跟廣稱趺第卅七趺高稱跟第卅八前已列畢今平蒲與跟何為別數答泉抄云各生一華為別故也。妙抄今云凡今觀門或於一觀安廣文或一途文含廣略意或直一文無廣略意或觀一相。

廣略為二開合隨宜義非一槩例如觀經日觀是惣後五別二三共池樹是一第六是惣佛諸毛孔等者云是諸相好行相利益廢立等者形狀名行相謂頂上髮毛絢青稠密眉間毫相鮮白柔軟等也功能名利益謂滅罪生善等諸勝用也有無名廢立謂經經異說存沒不定有無牙異故名廢立問何不舉業因答業因上既出說處畢故今略之下更論惣別因故文相好業等者問上別觀中各明業因何更論耶答上來雖標相順業因亦有惣別種々業因故重明之問一切資糧能感諸相名為惣因准之一業一相

可以別如何。答一切善根惣相好因故名惣因。六十二等顯於別因故云別因。未必別業能感別果。故有別因感惣相果亦有別因能感別果。清淨勝意樂地者七地門中第三地即當歡喜地。參如玄記。六十二因者可見彼論丈夫相者義通九聖故加大字。丈夫所具故云丈夫相。又十號一離女身故行事鈔云。丈夫者必以達心慕遠清節不群卓然風霜不改其操。鑑然憂喜未達其心便為丈夫之貌。故律云。牟二十者方堪受具。謂能忍寒熱飢渴風雨蚊虻毒蟲能忍惡言苦事能持戒能一食等僧祇。云若過二十減。

七十無所堪能不應與受具。上記云。丈夫者疏。云。另予通名丈者極形之量。孔子九尺余亦有一丈者。初科四句。初句志大次句節高三謂行無始卒四即心無輕動必及此四雖是男子則非丈夫。卓然謂高立也。風霜踰衰辱危難等事鑑堅也。達至也。次引證中律文初以牟簡能謂下列示所能即十種苦事。寒下六字為六蚊虻毒虫為七惡言苦事為八持戒為九一食為十僧祇。中年雖應法不堪亦簡故知出家專在修業。豈不思之上。復槃經云。云何調御丈夫復調丈夫。善男子如來者實非丈夫。非不丈夫。因調丈夫。

故名佛為丈夫也。善男子一切男女若具四法則名
丈夫。何等為四。一善知識。二能聽法。三思惟。四如說
修行。善男子若男若女具足四法則名丈夫。善男子
若有男子無此四法則不得名為丈夫也。何以故。身
雖丈夫行同畜生。如來調伏善男善女號佛為調御
丈夫。已事業者彈指散糞等事善也。無倒迴向者有
云受者施者施物施果四法以空觀令清淨故云無
倒也。今者且等者追結前觀逆順反覆經十六及者
妙云有人云頂上面輪眼耳鼻舌身足下千輻輪此
八順逆許之云十六反欵今云上自鳥瑟下至千輪

是為一反。斯順逆各有八反故云十六反。又天竺法
用十六秤量故且准之。又涅槃佛性為十六分四銖
為一分四分為一两。十六两為一斤。道和尚云。到觀
白毫相者妙云別相觀時終歸白毫歟。

二、惣相觀者。祖師云。斯有二初依觀。觀相好光明。
次付色相。觀三身一体也。已文大分二初觀寶蓮次
觀佛身。佛身為二。初觀色相。二觀三身。觀色相中俱
照者。准解脫經六十種數是第八也。須弥等者。斯舉
大經阿難所見儀相謂佛告。阿難令禮。弥陀願見
彼佛。依正時無量壽放光普照諸佛世界金剛圍山

須弥山王一切隱弊唯有佛光今行者見西佛光明周遍北界大小諸山河海樹林悉皆不現隨樂等者隨機意樂後觀不定二觀三身亦分為二一釋三身二是故當知下結初二初觀諸佛同體二又非下觀迷悟一体初二初觀別相二是故下結同體万德問上云初心觀行不堪深奧今觀三身即一之義豈非相違答傳云有堪能機者可觀也委如上述有云觀色相觀之次法門法體故舉之非並觀也或廣大身者問廣大身者指經六十萬億滿虛空中何為應身攝答今且依附於天台宗作此釋欵其事同一者以

事意體配當三身在金光明彼經二云一化身二應身三法身又云於第一身與諸佛同事於第二身與諸佛同意於第三身與諸佛同體已上梵天不見其頂目連不窮其聲妙云問梵天不見頂三十二相第一也目連不窮其聲增一阿含說也俱可屬應身者乃屬報身答大乘論有證據佛地論七云受用身者乃至無見頂相無邊法音已上妙抄報化雖異同具此德如相然二身雖同無邊功德正_二在報德弘一引西域記云昔婆羅門以一竹杖長一丈六欲量佛身纔約佛身杖上猶有如杖量許量既不已挾地而去其杖成林

後於斯中而立精舍名為杖林。梵天不見其頂者。梵
在色界從彼天來亦未曾見世尊頂相如應持菩薩
欲量佛身佛成道後遊波羅奈東方去斯甚遠有佛
號思惟華世界名懷調有菩薩名應持來礼佛足繞
千匝已念欲量佛身即變形高三百三十萬里復見
佛身高五百四十二萬地婉二億里以佛神力應持
往至上方百億恒沙世界世界名蓮華莊嚴佛名蓮
華上至彼界永不見釋尊之頂不知佛身遠近況何
往問彼佛答言更過恒沙劫亦不能見釋尊之頂智
惠光明言辭悉皆如是出金剛密迹經此尚不見况

梵天耶自連不窮其聲者佛在靈鷲用連自念欲知
佛聲所出近遠即從座起往須弥頂聞如來聲如在
目前自以神力往大千邊大鐵圍頂故聞無異佛念
用連欲試我清淨音暢吾今欲現時用連承佛力去
至西方界分九十恒沙佛土名光明幡佛號光明王
至彼故聞猶如對面彼佛身長四十里菩薩身長二
十里菩薩食盃高一里用連於彼盃緣上行彼菩薩
白佛此是何虫著沙門服在盃上行佛訖莫輕斯賢
斯賢名大目連釋尊第一神足弟子彼佛告用連此
土菩薩及聲聞衆見鄉身小生輕慢心當現神力承

釋尊神力，礼彼佛足，繞七匝已。我今結坐此地，不受佛言隨意，即踊身虛空高百億刄化床而坐。種々光明珍寶瓔珞而自莊嚴，各億百千現已徃其佛前諸菩薩等。惟未曾有白佛言用連何故。至斯佛言欲試彼佛聲遠近，故佛告用連仁不宜試。佛聲遠近鄉大誤也。假使過於恒沙劫行亦不能知用連投彼佛足悔過佛告用連汝到此者是釋尊力若欲還彼假使鄉身一劫不至能仁已滅用連曰我今迷惑不知所去。彼佛曰在東方用連叉手自歸說偈唯願天人尊莫垂力愍念願顯其國土今欲還本土身子於靈山。

聞而恠之阿難自佛誰耶佛言用連在彼光明幡世界佛為放光明照之承光還到已懺悔身聲既爾諸相例然出大論十二上無形第一體等者止觀云見報佛相好其言廣可含容自他二身但本論文面可當自受用身故弘云無形謂法性也莊嚴謂福智也理智相稱遍應法界唯有同類見非莊嚴今從教道他受用邊亦云報身即是登地菩薩所見上文意境智相稱遍應法界之邊雖自受用今止觀從教道說地上所見他受用身也難云論文若自受用身止觀何故於教道他受用引合此文答私記云自受用

身必帶他受用身故取所帶他受證教道身上尋云
非莊嚴々々其意如何答天親般若論上云莊嚴有
二種一者形相二者第一義相是故說莊嚴々々亦
非莊嚴佛土者無有形相故非莊嚴即是第一莊嚴
何以故以一切功德成就莊嚴故上十力等者十力
無畏念住大悲通報應三三昧門等者局在報身十
力有身心異勝焉等七十增名身力處非處等十為
心力正等覺漏永盡說障法說出苦為無畏順違俱
境不生欣戚名三念住大悲異悲此具八因一大悲
無癡為體悲以無嗔為體二三苦苦苦行相異三三

界欲界緣異四第四禪四禪異五佛身二乘身異六
離有頂離欲界證異七救濟事成希望異八哀愍平
等異微妙淨法身等者問法身無形無體何云具足
諸相答止觀一云若見如來知如來智深達罪福相
遍照於十方微妙淨法身具相三十二一一相好即
是實相上弘云法身相中云知如來智等者智稱法
身故名深達即指法身為諸相本故云法身具三十
二上已二一一等者非是色相故云實相理內所具萬德
宛然故云無減非是遷流生滅事法若不生等以事
意體名三身者應化是用報身是性故三名異其體

同一等者問文云其事同一其意同一其體同一何經說耶答金光明經二云一化身二應身三法身已於第三身與諸佛同體上佛衆法海者問有本云佛種答衆字宜欵謂佛衆法海者三寶也佛者佛寶衆者僧寶法者法寶也故白毫觀云當知此一毛具一切諸佛一切正法一切賢聖佛衆法海宛然具足上舉三寶結佛衆法海知是三寶三身三寶雖異類通其體無障不縱等者雖備三世十方万德非是各別故非縱橫不縱名非一不橫名非異無盡法界非

定有無故非虛實又非即等者事故非即理故非離問衆生所具佛果與三世諸佛同異如何答南岳大師云常平等故不離衆生常差別故不即衆生佛即如水衆生如波波水似別濕性本同雖是本同清濁常別上離之等者陰人名為如來因緣若離則無因緣之法是故等者弥陀衆相備三身德同諸佛体不缺万德妄色空故合佛所證實相色故具佛相好受想空故亦合佛證實相心法具十力等故我三道與佛一体迷妄之間生佛全隔顧我得悟顯本具德三雜略觀中文分為三初雜略觀二若樂下極略觀

三、若有下一心稱念初者祖師云此有三一白毫觀
二、徃生觀也我亦在彼攝取之中者問攝取光明為
照觀機若云照者如導師釋攝益局稱今家專依導
師故彼摠不論照攝餘雜業者之文此集不云弥陀
光明照餘行人之釋彼斯全同若云不照者今以雜
略觀機應云我在答人師意異何必一同但至不云
弥陀光明等之釋者觀稱之外名之餘行非嫌觀行
今我亦在彼之我字豈非指雜略觀行人又一義云
今光益義全不可違導師判定今集正意稱名為本
彼此同故但至今釋者述懷之言今家是稱名行人

故傳云徃生之業稱名可足本存此念故不觀理已
爰知對經十方衆生指自身云我亦若冠惄觀機者
何置亦言今師本是稱名行者攝取光益只在稱名
非被摠觀機也華嚴經等意具在別卷者有云華嚴
意者指又放光明之文別卷者指白毫觀若樂極略
者祖師云白毫觀略也云極略名文言少以義等前
難略初觀光攝次願共下願自他生若有不堪等者
願集本意為頑魯者正勸稱念初標不堪觀想二或
依下列稱名意念三應一心下正勸稱念四已上下
結惣別等觀五行住下重勸稱名行儀問稱名是本

願行設堪觀想宣勸稱名答有云觀想為本是依法
相說意稱名為正是因別意趣意云今云稱念行通
定散淺深若約法体是最勝行機通淺深行兼鹿細
人見鹿淺猥施情量是失甚矣或依歸命想等者妙
云引攝想專欲願來迎觀想九品之迎往生想只欲
生淨土信知十念之願故此二念隨時可替故云或
依引接或依往生也意云引接想念第十九願往生
想念第十八願也一義云往生想者生極樂後可誇
快樂兼想像也云難云後義不明若尔難云往生想
欲下文隨終行云決定作往生想華臺聖衆來迎接

想上已十因云若不堪稱名者只作往生之想心是作
業之主受生之本也心王若西遊業從又逝如雲隨
龍如民順王故安樂引法鼓經云若人臨終之時不
能觀念但知彼方有佛作往生意亦得往生上是雖
不稱名只作念欲可往生也若尔背今意可思之上
據先師云今此三想如次迎接去時自往生想謂歸
命想者本尊向東行者向佛歸命是也引接想者本
尊向西行者隨佛後過十萬億國之念是也往生想
者生彼國已見佛聞法等之念是也祖師云引接想
者無常院本尊是也異說先師教有人令造歸命引

接兩想本尊謂佛二體東向西向背合奉上記就
往生想前難何會答往生想廣可通欲生已生之二
念於中今文引接想後立往生想生起有次故約已
生稱名行者盡想生後快樂耶祖師云我用引接想
之念佛云先師云予用歸命想之念佛云達華谷云
我引接想猶以難云故常住於歸命想也云一心稱
念者但兼稱念無他想間名為一心佛有名體熟名
號願名為佛體六字嘉號名為佛名口稱名號心念
佛體名為稱念名體俱益口意並存故須稱念又口
聲唱名稱心經六字名念口心行佛名也問念是

明記不忘何以得知今念念佛名號答今為不堪觀
想先觀意地歸命等想方亦稱念重行等而勸常存
心念若非念名謂是何者故知集本意不堪觀想為
教念名也問若弁稱念別者何為本願行因答口心
雖異同修佛名何為別行若唯語聲何成業因下中
品心念名號乘願往生如不舉聲誦陁羅尼名默唱
明種々觀者問為局上別想等三觀為通下歸命等
三想答先師云局上三種觀不通歸命等想妙香院
之堂同之有云可通下稱念有稱屬觀之義故蓮華谷難
云若言通者觀念稱名二機既別觀者上三種也稱

者勸觀念不堪之機知種々觀者限三種觀若言局者一心稱念下結明種々觀知稱名亦屬觀何況上釋捨別丙觀已結已上依觀經等釋雜略觀已結已上依觀經等是皆結上來之觀也今極略稱念下云已上明種々觀豈非攝稱念耶答今明種々觀者極略觀結文也故結上三種觀云明種々觀若有不堪下別向稱名機勸稱念也而今結文從初結之但至稱念下不可有結文之難者初勸觀佛後勸稱名生起有次故觀稱相繼而欲顯本意故中間無結文也或意樂不同之言為令通稱名下結之於觀言者意

留上也有人會云結文分明以稱屬觀但至不堪觀念之文者觀之言望々不同彼以別想等觀云不堪觀念相好不違今以稱名心念亦名觀難云設雖異三種觀以稱名觀其理不可然如何答竹谷云山王院論記云謂隨音聲赴其自體由斯呼招能引自體上意云名詮自性故唱名號呼佛自性故唱名號我心係佛自體是則觀一分也云蓮華谷云稱名行者惣相歸依之念必可有也云觀念法門云想念弥陀佛等即其證也依斯義故稱名意地三想云觀有何妨耶云行住坐卧語默作作者四儀加語默故成六

語嘿念
佛之下

作此有善六作惡六作止觀二云次觀六作行檀者乃或為慈悲捨六塵運六作方便去來舉足下足皆如幻化悅怖虛忽亡能亡所千里之路不謂為遙數步之地不謂為近凡有所作不虛其功不望其報如此住檀攝成一切恒沙佛法乃至住坐卧言語作作亦復如是准前可知上先師云語嘿念佛者對他談時我出聲間心中不忘云語念佛他人語時我不出聲口中稱念佛語約自身出聲默約我不出聲作作者通一切所作也問餘談自有心念何有別念佛也答雖作斯事亦有彼念是現量知何有恆意似有二念剎那興廢然隨機品餘念強念佛

弱念佛強餘念佛強者久興弱者早廢無間行人屢雖餘緣雜起忽複本心常念莫忘又無間有差許念時日問今斯勸進慇懃丁寧是為局稱將為通觀答祖師御料簡局稱名云先師云上來諸觀只舉念佛相非作者元意作者元意只在稱念委如上述又妙行業記云今師往生之業稱名為本今集云往生之業念佛為本此等釋可思之有云黑谷御料簡約稱念是隨文正意奪尺也与可通上五種惣別雜畧極畧稱名也其故釋觀察門已結云明種々觀次行住坐卧下至如渴追水惄惄勸或佂頭已下別勸謂或佂頭舉手者

勸身業或舉聲稱名者勸口業外儀雖異之下勸意業云今云不然上勸稱念尋示此念何是別念况稱名上有常存念若以此念約相好念即容不堪觀想一心稱念亦觀相耶傳聞飯室僧正謁西山宮問云要集所詮行觀稱中以何為素懷耶答云製書之習必先逗衆機其後述本意故逗衆機之方廣雖明觀念等作者本意稱名為正也云僧正云此御義尤甚此全同祖師意心念常存者祖師云上常以斯念在於胸中今云外儀雖異心念常存所言常字即無間義此指四修中無間修是往生最要出離秘術留心思之

問上常以此念並勸稱念下心念常存更簡去稱如何名救火故專口心然外儀遍且以舉聲屬外儀分舉聲雖息心念無妨故云常存心念非云口稱心念以為別行外儀異者六作及以佢頭舉手舉聲稱名作此八種六作是餘世儀佢頭舉手是助行儀舉聲稱名是正業儀餘儀隨時雖是廢替而稱名儀心念必俱又被余語余默速妨雖息聲稱心念名號必須常存稱念雖俱是要心念無滯故勸常存寤寐莫忌者將睡眠宜唱佛名稱名眠人夢見勝相亦須心念

四決疑中有七問答前五番決前觀上疑後二因決依正不具初但應觀像者如定善記但今像者指穢土形像欵下云鹿心觀像故所言彌陀一身即一切佛身等者問指何文耶答上惣相觀中是故三世十方至備在彌陀一身之文也又諸佛同體相好光明文也天台大師云者止觀第二也問為如諸佛体性無二等者如彌陀功德與諸佛功德齊等念一佛行者功德與念諸佛行者功德等同耶也問念一佛功德與稱諸佛功德等同者其相如何答有云一人只稱南無諸佛一人只稱一佛云功德等同斯義見於

天台覺尊聖人六卷抄澄惠同今云止二云與稱十方佛名字功德正等已上弘云與稱十方佛等者釋疑也恐有以何故獨令稱彌陀佛是故釋云功德正等已上如此釋者判稱彌陀一佛功德與稱他一佛號功德彼此齊等者也若如先義者有何不審耶文句十二云入大乘論云法身唯一應格多之六十二億應等「法身也智者云圓入唯一偏人則多格多之六十二億偏菩薩等一圓菩薩上記云格量六十二億等者有云菩薩無殊欲令偏重觀音故也乃至持六十二億心境俱劣受持觀音心境俱勝已上又云若謂法身論之縱引十方諸佛

其功德亦等何但六十二耶上皆乘一如等者諸佛所證真如妙理有過恒沙性海功德佛々同證全無增減故念一佛則等一切念佛功德一行三昧者如札讚記諸相功德等者此校量出六波羅密經瑜伽論委如觀念門記其證甚多等者問肉髻梵音勝於諸相何經不勸若約修因感果肉髻梵音為勝若約別益白毫為勝彌陀因地空王佛時敬禮白毫滅罪得佛淨名經意因地所修為果化儀故行彌陀須修白毫我以涅槃相力者問修觀佛三昧人前釋尊現色身或普現色身力或大悲力何云涅槃相力況

涅槃相滅色身何還現色身答妙云一涅槃斷德者化他故也二化身故云涅槃力若生身可云普現色身力三示汝色身者非指當時所現化身涅槃後示形像色身以之為本質令觀佛故云涅槃力上前明十種事者此指十樂十樂中廣明淨土莊嚴故或稱名號者二菩薩名也今念佛通觀稱故二菩薩亦修觀稱

第五迴向門即有標釋迴向者迴是運義轉義向是會義合義謂運善根會無上道釋中有二初明迴向有五種義二以問答頭五義相初二依經論列五

種義二依五義作迴向行五義具足是真迴向等者具五義人圓滿徃生成佛二因成熟華報葉報二果故云真迴問一三何別答第一舉善體第三以其善共衆生也問二十四何別答第二能求菩提心第四所求菩提又無上道是果位名薩婆若是果位中智相應迴向俱欣求心問第五意何答上四有相第五無相若唯有相何會佛果所證實理故有相心轉入無相問華嚴大論各有五義耶答彼經論意何沒五義今且據文華嚴有第一迴向無後四種大論有後四種無第一迴向華嚴經意者經十七云佛子何等為

菩薩摩訶薩第三等諸佛迴向是菩薩摩訶薩今集善根已集善根當集善根皆悉迴向已薩婆若心相應者薩婆若是所相應法心是能相應心所以知者以下文云問第二何名薩婆若相應心答論云阿耨菩提意即是應薩婆若心應者繫心願我當作佛已等故問薩婆若者其体何者答指佛果也大品經云以佛果智言薩婆若海已大論意論四十六云何名檀波羅密須菩提菩薩摩訶薩以應薩婆若心內外所有布施共一切衆生迴向阿耨菩提用無所得故問曰旦波羅密有種々相此中佛何故但說五相所

謂用薩婆若相應心捨內外物是福共一切衆生迴向阿耨菩提用無所得故何以故不說大慈悲心供養諸佛及神通而施等答曰是五種相中攝一切布施相應薩婆若心布施者斯緣佛道依佛道捨內外者則捨一切煩惱共衆生者則是大慈悲心也迴向者以斯布施但求佛道不求余趣用無所得故者得諸法寶相般若波羅密氣分故檀波羅密非詭非倒亦無窮盡問曰若余者則不須五種相但說薩婆若相應心則是答曰斯事可尔但以衆生不知云何應薩婆若心布施義是故以四事分別其義問曰先言

應薩婆若心後言迴向有何等異答曰應薩婆若心為起諸福德因緣迴向者不求余報但求佛道復次薩婆若相應心為應阿耨多羅三藐三菩提故施如先義說薩婆若為主一切功德皆為薩婆若讚佛智慧有二種一者無上正智名阿耨多羅三藐三菩提二者一切種智名薩婆若若用無所得者以般若波羅密心布施順諸法寶相而不虛誑如是等說檀波羅密義上問大論有五義今除第二捨内外物何意答今家密意難知若是捨内外物菩薩所行非下根分故除之欵又論雖有五相以捨內外物為檀度體

而用餘四義今亦雖有五義以迴向為体而用餘四
義故除彼欵無上正智者證涅槃理自證根本智一
切種智者知恒沙無量諸法化他後得智也此義異
天台家彼以中道智名一切種智大論二十七云問
曰一切智一切種智有何差別答曰有人言無差別
或時言一切智或時言一切種智有人言總相是一
切智別相是一切種因一切智果是一切種智略說
一切智廣說一切種智一切智者總破一切法中無
明闇一切種智者觀種々法門被說無明乃至廣說
一切又大論云因名般若果名薩婆若上所修功德
一切

等者問與上五義同異如何答上下五義文雖不次
義意惟同謂上下第一是同俱舉善體故今第二同
上第三俱共衆生故今第三同上第二俱舉菩提心
故今第四同上第五俱無相故今第五同上第四俱
迴向菩提故上經論五迴向下私五義

一聚集三世一切善根

一所修功德等

此善體也

二薩婆若心相應

二迴向法界衆生

此共衆生也

三以此善根共一切衆生

三自他同證菩提

此菩提心也

四迴向無上菩提

四迴向施法界

余四有相此無相也

五觀能施所施人物皆不可得能令諸法實相和合

五迴向大菩提

此回向菩提也

問上下何不次第答上住華嚴大論文列之下住當時儀順國土風故次第相違耳上則聖道下是淨土文云共生極樂是其義也廻向自他法界等者問依廻向力實有他益耶答如傳通記二問答顯相有其十番華嚴經說第三廻向者有云指三賢中十廻向也今云不然華嚴經十七說十廻向中第三之文也而無所著等者善体無生不可得故云無所著無著故云無相離相無相善根能成菩提故悉皆廻向判定記者華嚴宗章疏目錄云華嚴判定記十六卷新羅慧莞撰已有云慧莞者香雋弟子也香雋大師作

八十華嚴釋不終功入滅故其後作續此書故云續判定記也出清涼大師演義鉉云但付慧莞同名有濫謂盧山慧遠淨影寺慧遠大聖善寺懷遠終南山悟真寺惠遠靜法寺慧莞也今作者靜法寺是也已敬有二釋者第一有相第二無相無相故云攝法性抄指華嚴圓教云此教也遍於九世者有云香雋五教章意以五剎那判之初剎那過去未來現在現在未來現在見在過去第三剎那過去未來現在第五剎那未來過去第四剎那現在未來現在第六剎那過去現在見在過去第七剎那過去未來現在第七剎那過來未來也華嚴經意立十世謂九世之外有平等意

世九世約事平等意約理故九世同時經無量劫寶與元初一念同時也問第三第四等者答中有四文六波羅密經答第三第四寶積大莊嚴大論三文釋第四廻向菩提大莊嚴論等者問論無此文答依云在寶積經九十二云發願廻向有何差別者指作願廻向二門也有云指次上云廻向願求生極樂國如水中火者有云兩水打合出火炎也今云四微四大八事俱生其中增物或名火或名水斯水巾火無能滅者或龍火也今順於國土風俗者是指日本下云和國風俗故順土風者有云天竺震旦儀式廻向大

菩提置前廻施法界置後我朝儀式廻施法界置前廻向大菩提置後也云俱有其謂四弘之時衆生為前菩提為後斯立風俗符斯義矣上求菩提下化衆生之時菩提置前法界置後天竺震旦風儀妙符此意始上數論等者指作願門中行相終問答與利益中第一問答也小因大果小緣大報者習因習果云因果報因報果云緣報也問法華開會本文何不引之答論文即釋法華之文是故引理盡論知妙經意此文深妙者是喜有相允此集本意淺深之中取淺難易之中取易故今讚有相善以為本意歸命龍樹

尊之釋結歸有相喜易成佛。卍心卍心髮中明珠者輪王最上財納之髻中故以為名矣。

大文第五明助念方法即有標釋助謂能助當段是也念謂所助正修念佛是也方法者是軌則軌七事助正業也如彼止觀十種境界為近方便二十五法名遠方便今之七事兼於近遠二七為近餘五為遠又今七事是近前後諸章是遠又近遠間雜看文應知卍五法者持戒清淨衣食具足閑居靜處息諸緣務得善知識名具五緣不欲色聲香味觸境名弃五欵除貪嗔眠掉悔疑蓋名弃五蓋調食眠身息心宜

修欲進念巧慧一心名調五事彼此所斯雖異彼助念佛其允故念佛人亦須據憑何況彼斯多分意同消文應知問尊師所立助業與今同異如何答異也選擇云方處供具等異類助業也云禮讚觀察等同類助業也云屬彌陀行故云同類卜閑靜處用念珠等行法助故雖成助業非彌陀事故云異類難云若余供養正行香華供養有何別耶答少分相濫亦無有失况一元供具足異類也正供佛時則成同類釋分為三一元述助念意二今以下列助法三別釋初二目之羅等者止觀云一目之羅不能得鳥得鳥之羅唯

是一目已正得鳥者是雖一目以諸目助而得之也今亦如是正修念佛如一目助念方法如諸目例如彼天台十法成乘之觀用二十五方便也

禪輸僧都云此一目者南無阿彌陀佛稱一聲也云方術助觀念者問所言觀念通觀稱各有云觀念者觀察也正修念佛雖通稱念今集以觀為本意故以此彙集送宋朝狀云著往生要集三卷備觀念已丙文既云觀念觀念為正故也今云觀者觀察念者稱念言雖通二意稱為正委細斷簡上既述畢總結要行正其證也送宋朝狀全與今同何局觀察

第一方處供具即有標釋釋中為三初明方處二隨力下明供具三若用下明念珠初二初一句標能居身相次一句舉所居方處若不修身區順好處故先淨身次就靜處内外俱淨者心無欲蓋名内心淨身口合法名外身淨又法華云澡浴清淨著新淨衣內外俱淨隨力為說已准之內身外衣潔淨為義閑處者止觀四云好處有三一深山遠谷二頭陁抖擞三蘭若伽藍初深山遠谷途路難險永絕人跡誰相惱亂恣意禪觀念念在道毀譽不起是處最勝二頭陁抖擞極近三里交往來踈覺策煩惱是處為次三蘭

若伽藍閑靜之寺獨處一房不干事物閑門靜坐正
諦思惟是處為下若離三處餘則不可上室宅相者
傳教記文云後世者住處不可過三間謂一間持佛
堂一間住處一間世事處也明供具中為三初明供具
有無二若親下明供養有無三若供下明供養文但
專念等者由佛威神供物滿空凡力雖乏佛力遙加
又准大經內事供養口歎佛德今念佛德亦當供佛
若遙等者且對不對論供有無設不對像弁供何違
感禪師許闇室者如群疑論第七觀佛經供養文者
願此香華雲遍滿十方界供養十方佛經法并菩薩

之文也問方處供具是別事何不開立也答意居閑
處不可徒然必有供佛正修行故又開合隨宜明念
珠中若用葉者所助念佛稱佛為正其理彌成欲求
等者佛說校量數珠功德經云宋思惟訖若用木穗子為
數珠者誦一遍得福千倍若求往生諸佛淨土及
天宮者應受此珠上欲多等者又云諸善男子其菩
提子者若復有人手持斯珠不能依法念誦佛名及
陀羅尼斯善男子但能手持隨身行住坐卧所出言
語若善若惡斯由此人以持菩提子故得功德如念
諸佛誦兒無異獲無量福上金剛頂瑜伽念珠經不

訖云事渠念珠倍福木穗念珠兩倍福以鐵為珠三百倍福熟銅作珠四倍福水精真珠及諸寶此等念珠百倍福千倍功德帝釋子金剛子珠俱胆福蓮子念珠千俱胆菩提子珠無數福上又云設安頂髻或掛身或安頸上及安臂所說言論成念誦以此念誦淨三業由安頂髻淨無間由帶頸上淨四重手持臂上除衆罪能令行人速清淨已問但持斯珠不誦佛名即得勝福有何義也答念珠經云珠表菩薩之勝果於中間滿為斷漏繩經貫串表觀音母珠以表無量壽已准之觀智成福又雖無智若有信心可成勝福

又念珠之數多少不同有云陀羅尼集經舉念珠數千八十五十四二十七十四取意此經中說極樂依正移水精也念珠經云念珠分別有四種上品最勝及中下一千八十四以為上一百八珠為最勝五十四珠以為中二十七珠以為下上校量數珠功德經云其數珠者要當須滿一百八顆如其難得或五十四或二十七或十四亦皆得用已

第二修行相貌即有標釋釋中先述行相二問答斷簡依攝論者今明四修雖引兩師彼不標論故舉所依令仰釋旨問俱舍有四修何不舉耶答今明大乘

行相故且局大乘論又等之言益兼俱舍攝論八云論曰由無量無數百千俱胝大劫中依數之修習釋曰斯文顯三慧具四種修不可以辟類得知為無量不可數知為無數百億為一俱胝非一俱胝故言半亦非一千故言百非歲數故言劫非小劫故言大斯即明長時修數之修習即顯無間恭敬無餘三修已俱舍論二十七云一無餘修福智惠二種資糧修無遺故二長時修經三大劫阿僧祇耶修無倦故三無間修精勤勇猛刹那修無廢故四尊重修尊重所學無所顧惜修無慢故上問今四修次第何違本耶

答隨義轉用任行所宜長時是通故首標之慇重厲無間故次安之無間業堅無餘成一業故後安之攝論意者長時無間由恭敬志由恭敬故修無遺餘又俱舍論意欣万德果故修万行長時無間尊重無慢四修義相如選擇抄并禮讚記但摘要抄之問慇重修引和尚何違本文答乘要決文亦用導師常向西方豈非慇重此勝本文故引合耳問導師釋中無間無餘修取專念邊無間修無隙自斥餘業無餘修專念故遮餘行故俱雖不雜餘業聊非無不同云此義

叶釋意許欵其故無餘修釋專稱念專禮專讚無間修釋所謂相續恭敬礼拜稱名讚嘆等上取專念之邊下取相續之邊二料簡中有其五番初二決無間無餘中不雜餘業次一顯四修中安心次一述無間中計念後一決正行念佛正相問其餘事業有何過失者妙云問為問餘行為問世業若云餘行答文以世業答之若云世業世業必有過失何及致問答問世業欵就世業有不同問惄尋之答分別答之所以先出寶積經文起惡業者令遠離之次引木德子經雖不捨世事有誠心者可往生之肯答之釋首尾

強無過欵已有云兩修餘業俱限善業故答文所引寶積經世業衆務亦造像起塔等世業也乃至多起諸煩惱之文依世善行所起之煩惱可得意欵故彼經云弥勒若有勤修智斷行者智出生者智成就者不作世業不營於衆務我說是人住如來家若有菩薩樂作世業營於衆務為所不應我說是人住於生死是故菩薩不應親近弥勒若有菩薩多營衆務造七寶塔遍滿三千大千世界如是菩薩不能令我而生歡喜亦非供養恭敬於我弥勒若有菩薩於波羅密相應之法乃至受持一四句偈讀誦修行為人演說

是人乃為供養於我何以故諸佛菩薩從多聞生不從衆務而得生也已如經文者衆務者多營造七寶塔欵云今云二修餘業俱餘行也所言事業者未必佛法善行紅九十二彌勒白佛出家菩薩當捨何法修何法令生慧力佛前初業菩薩當於利養知其過失應須捨離憒閑俗語耽眠衆務戲論等過利養則生貪恚癡嫉誑詭等過與提婆等同墮惡道憒閑世語睡眠衆務戲論各說二十過具如彼經唯此等文事業可通造塔等善及世務業設雖造塔不為菩提名為世業非直餘行妙導念佛世業亦障念佛故誠

之自餘方法等者今明助念因馳心於彼五方便以彼約今即成助故又以今經文屬彼息諸緣務自餘方法更以勸之若世俗等者機宜有差遠離世務為教本意若攝機時世俗誠心亦得教益用心云何等者問禮讚前序為別科法如何答心行相須猶如輪翼若隨缺一則似隻翼故今行中即論安心心行既異故分二科各據一意何云乖反文中先舉經釋余釋雖多偏歸和尚故重顯所釋次明初二心益鼓音涅槃證深心德禮讚後序顯誠心力三心斷簡如選擇抄并散善記但妙云後之二心其意分明強不

可煩于料簡第一至誠心料簡空上人遺弟等存異義故文意何可得意哉之由送拙狀於高野山相尋明遍僧都之處彼逐狀云外現賢善精進之相內懷虛假等之文舉不實相顯真實行斷簡不同更不知之文相分明不可有異義欲已選擇集云外賢內懷者内心與外相不調心即是內虛外實等云明遍僧都意趣大同選擇本文料簡不可過之而彼遺弟等云既云雖起三業云晝夜十二時急走急作等起三業十二時慇懃修更非懷虛假之人然下文云雜毒之善虛假之行定有樣貌如此得意存種々義謂證空

云外現內懷等者正判此心之相貪嗔已下文舉伏難也其故自力人設雖急走急作只是虛假之行雜毒之善何以故下釋依他力可生之旨不信他力念佛之人成虛假行雖屬不可成就札讚序文即此意也云云傳聞雲同之雲云傳聞雲同之尋云信他力門名至誠心與第二心其別如何證空答云釋云深信即是真實信心至誠深信實無差異但出一往不同至誠心中未立二信只以自力修之故乍雜毒虛假之行於深心中正立二信至迴向心歸弘願後一切善根皆成往業云私見文相無別意許源空明遍等義妙符文意彼僧都會

雖起三業文云刹那等起而非因等起之心云私云十二時急走急作等之文既云縱使更非相違凡末學者就文成義尤以可也有文有義常人用之云宜守此文無文有義智人用之可思慮哉聖意難測強不可添私意已上抄今云相傳之義載餘處畢妙抄評判大同相傳無有疑心者問疑心分齋如何答妙云雙卷紅意疑五智心已上修念佛猶疑本願尤所斥也信本願入猶卑下身疑我勤行叶本願否強非可行而近來專修行者疑身猶疑心是罪業雖多不可成疑云過分斷簡已止觀四釋蓋中疑云疑者此非

見諦鄭理之疑乃是鄭定疑也疑有三種一疑自二疑師三疑法一疑自者謂我身底下必非道器是故疑身二疑師者此人身口不稱我懷何必能有深禪好慧師而事之將不誤我三疑法者所受之法何必中理三疑猶預常在懷抱禪定不發設發永失已詳法益人無疑機法就人就行二種信心則是其義淺近行者不自覺知雖有少疑誠心即生又罪惡信可有分別若欲斷罪起嗔蓋等無所違犯數々現前見是功德何有脫苦如禪師釋者理通九品者問禪師釋者指散善義耶答不然毗云今集前後判階位中

載玄義外無引彼疏疑序分義已下三卷當初未廣流傳于斯朝欵遍流布者要須釋多何不引用或上人語云傳聞宋朝多有欠卷一部四卷流布甚希云末法之節邊地之境具開四卷疏粗同一宗趣非宿殖淨土因何得值遇習學幸哉幸哉已有云唐土人師僅見玄義一卷不知餘卷連式元照等是也慧心亦同見玄義分不見余卷云難云理通九品之釋正當散善義矣若不然妙云西山宮云今所引文云若少一心即不得生可通九品何局上上已上先師同之念阿彌陀佛時等者正行稱念名念阿彌陀其時間所用

諸念云或念等如諸念亦記念正行稱名故云稱名亦余元曉師同之者指遊心安樂道也問念佛三昧等者念在意地入悞念相故今釋出口唱以顯稱念為問答意故感師意聲念相須即得往生又念佛雖是心念以念名故亦出口唱故念佛行儀並唱念也今此出聲等者問下下品人何得三昧答三昧通定散散臨終見佛成三昧義彼經但云等者問欲多見多等文在彼經第五卷感師所引順第九卷彼文云小念見小大念見大已今註難思答然也有云如此等事試後學欵有本註云已上小念見小大念見大文

出日藏經第_九上十樂院并櫻井兩所御經藏要集
本同之此本為正日藏分五云欲多見多欲少見少
諸佛如來即是_我心何以故自心作佛自心見故已
此集當來勝利段引之文言少異也同第九卷云更
無他緣念余事或一日夜或七日夜不作餘業至心
念佛乃至見佛小念見_大乃至無量念者
見佛色身無量無邊彼佛身形三十二相於一一相
亦念亦觀皆令明了_已上高聲念佛見大佛者心力強
盛音聲高故也

第三對治懈怠即有標釋釋中為三初初對治怠意二

或以下正明對治三問允夫不明常念相用心對治
有其三重初我已惡道等者此文至要也常以此理
可勸自心今此一段正為我等出離私計勿等閑矣
次_彼既丈夫我亦_余者問止觀二云人道有事理事
伏慢稱丈夫理即見佛性故稱丈夫已既是稱義之
詩可云彼既允夫何云丈夫答彼諸得生既成丈夫
我不亦爾哉又律中不憂寒熱飢渴等惱心堅勤修
有勇進志名為丈夫故願生人_答名丈夫不應自輕
生退屈者依云三種練磨心出攝論云有云攝論唯
識論等意云一菩提廣大囉頌云十方世界諸有情

念念已證善逝果既彼丈夫我亦尙不應自輕而退
崛二施等難修崛論云省ニカ意樂能修施等練磨自
心勇猛不退三轉依難證崛論云引他塵善況已妙
因練磨自心勇猛不退已如下利益門斷簡門者指
利益第六斷簡第二也第三重念二十佛德德雖無
量豈出之耶於中有三初念佛德二行者下明念德
用意三問信受下重明念佛德別益一本願者彌陀佛
德雖多本願是最故首念之覺經等者出迦才論取
意言之二名號者彌陀利物名號為先諸佛通號猶
余况乎今佛本願別名故元照師舉古察經諸佛名

號往生其國而云况我彌陀本誓半三藐等者如定
善記佛初三號者次引成論述十號總別故十號中
初三號也十號者一如來二應供三正遍知四明行
足五善逝六世間解七無上士八調御九丈夫十天
人師十一佛十二世尊也問上引現文即是正遍知
如來佛隨如何答十七中初三是最勝故余文多隨阿
伽度如阿羅呵應三藐三佛陀正遍但上現文且除
應供加終惣持德隨宜則異三號中二十號中初故
云初耳華嚴偈云等者問此文恐似別時意何答不
然聞佛名号聞法種子終成菩提此是真實若別時意說者可

說以此一行即成佛也如下料簡門者臨終念相下引首楞嚴經滅除藥文是也三相好者正修念佛觀相為要故次名號念佛相好頗脰迦寶者日月下面彼寶所成水珠是白火珠是赤今以水珠以喻毫色灵芝云此云水精水玉白珠比阿迦膩吒天者翻色究竟也成肉髻等者上修中肉髻因云恭敬父母師僧和上梵音因云不說彼短不謗正法常柔軟語彼因望今校量似是鋒穎只是隨宜讚化他德又寶積經無數校量亦是隨宜故云可勘慈門者慈濟衆生有等諸門名為慈門也四光明者是佛名義亦有攝

益又為觀察所觀要法故次念光無量光佛等者十二光料簡如禮讚記若在三途等者問人中見佛猶難轉成何況三途豈覓光耶答追善力欲以其男女追修福之文即其證也亦如并州記所載張元壽緣此是戒緩乘急不可准餘問乘急何墮獄答上品不墮中下成宿善故問獄中何直見佛光答智論云利益地獄時多作佛身已辭喻經等者問佛經何載滅後事耶答此經康法遂所集賢聖集也此集諸經所說辭喻佛記此王事在大悲經如龍樹馬鳴等年在西垂者外典抄云九十歲妙云或本註云老貌有

云百千歲也。五無害者本願引攝由無害力故念佛人諸邪業繫無能導者。燄摩天等者空居天初故舉夜摩風災所壞之最頂故舉遍淨天六飛行者如坐禪經每日千遍來念佛處歡喜踊躍無辭類者此飛行力盡念之也。若大聲聞神通等者俱舍等意聲聞不過三千界今依十住論也。鉢特摩華者灵芝疏云此云赤蓮華善趣樂世界者入天善趣即樂世界又若是極樂界欲四十里磐石者出大論九但本論云如大千石七神力者轉惡成善變火為風變車為華改鬼現佛皆是此力如陶家輪者入大乘論上云辭。

如瓶泥團輪繩及以陶師衆緣和合然後成瓶已功用思惟者作意思數也令心驚覺名曰作意令心有造作名思八隨類者三輩九品橫豎無量一一現身如月万影即是此力尤可念之九十德者見聞遙遠攝無邊生若有限量攝生不盡十一智力者明達一切現在狀欣十二宿住隨念知昔本願有緣之相今化無滯十三智慧無導事理洞達牽無邊事入無窮理徃生淨土速證菩提即是此力慈氏等者問慈氏之與坐於道場菩薩何別答慈氏一生補處菩薩坐道場者最後身今將成等正覺菩薩寶積經等者此

經舉無量界衆如補處智六波羅蜜經舉三千界衆生如補處智同比佛智此亦隨宜又能化者但標廣多未必定量耳十力者瓔珞經下云復有十力是處非處力業力定力根力欲力性力果力天眼力宿命力結盡力比烏波尼沙陀分者大般若云烏波尼殺曇殺音薩曇音耽也長水云漢云近分或翻毫釐行願品疏澄觀云言迦羅者此云堅折人身一毛以為百分言優婆尼沙陀者此云近少亦云近對謂少分相近比對之分上十四能調伏心諸佛若入定若不入定者問佛住散心耶答大衆部及大乘實義佛常在

定今文附傍有部之意隨轉理門之說也常心者是相分心則曾得心也十五常在安慧者意置智慧故云安慧恒時簡擇故云常在念常在心者念常住慧若無念時慧忌却故先知而後行生者雖不作意兼自悟知臨時無勞有本云行坐住無景者三達佛慧緣覺境不闇故云無景非妄知故云斷煩惱非有為念名出動性八無餘涅槃者問能所中何答准周異字是能化也自初成道至入涅槃於其中間所化所起一心所起住生滅微細久近差別悉知之也起住等者四相之中此除異相舉余三相起即生也具

足可云生住異滅起滅相對生住相對故再舉生有
云起住者四威儀中且舉初二略後二也起者行義
故生滅者於四相中舉初後二略中二也受想觸覺
念者大地法不定地中心所且舉少少領納苦樂俱
非名受取境差別名想三和合生觸對覺是不定中
尋伺也尋求心麁名尋伺察心細名伺十六中悲念
衆生者諸佛慈悲雖是平等弥隨別願慈悲特勝不
論罪福多少不問時節久近此德尤勝故須念歸問
如來大悲常照衆生何墮惡趣答感應道交是天然
理無惑業力勝佛力故俱舍論云上至世尊無能遮

抑以業力勢力最強盛故上法事讚云大聖雖有神
通力無能相救益悲心云唯一衆生等者慈念普化
不論多少也而能忍是苦者問佛代衆生實受苦耶
答如上已述自夜各三時者如來知見雖是常恒約
修行時且云三時或附小乘無令失時者知機熟時
必度有緣如潮無失時矣有論云者大論三十七也
有懺悔偈者有云首楞嚴經意也云十七無導辨說
極樂凡夫速悟無生早得菩提左由此力故可念之
無色界結使者言無色惑最極微弱猶不能斷況於
欲界鹿強煩惱哉也煩惱伏斷鹿細更互可有難易

若約伏斷厲強力邊鹿惑是難細惑是易若約難覺
難捨離邊細惑是難鹿惑是易今依前義以無色惑
為易斷極也又今文言不承佛意諸人說法時所化
不能斷乃至無色界惑一分不論三界煩惱之強弱
欵四問答者勘云十住論八云定當分別反問置答
云俱舍云四記答頌疏云頌曰應一向分別反詰捨
置記如死生殊勝我蘊一異等釋曰上兩句標下兩
句指事釋之且問記有四一云應一向記二云應分別記
三云應反詰記四云應捨置記答者如問死者一切有情
皆當死不應一向記一切有情皆定當死如問生者

一切有情皆當生不應分別記有煩惱者受生無煩
惱者不生如問殊勝應反詰記有作是問人為勝劣
應反詰記為何所方若言方天應記人劣若言方下
惡趣應記人勝如問我蘊一異者應捨置記若作是問
我與五蘊為一為異應捨置記此不應問若有我体
可問一異本無我体一異不成如問石女生兒為白
為黑應捨置記謂石女本自無兒何其得論其黑白
上入音聲海音聲陁羅尼菩薩得此陁羅尼者聞一切語言音不
喜不嗔一切衆生恒沙等劫惡言罵詈心不憎恨以

是故諸菩薩皆得陀羅尼上一音者如般舟記皆謂世尊同其語者衆機皆聞佛說思叶已聾之言也遂信三尊者是三寶也勘云淨名選記一云優婆塞戒經云三寶者三尊也上十八觀佛法身凡聖無差故作此觀必認自性况生彼土得涅槃分授無為號只是此德我觀等者如來真身體非橫豎名無動作行度云動為作名作體離能所云無分別無別亦無名為無異非方非世重非橫豎理非有質即方離方無定質故離有無等亦非有質即世離世無定質故無生滅等此真如法不攝因果非染不染亦離迷悟無二

不二能為利樂者華嚴信授義云無相法身無所依無體相取相凡夫何憑其救護耶答如天鼓無心成事摩尼無思雨寶虛空無所依含形質風輪無思慮持世界取相凡夫無離相之智無相如來有示相之談行者依此談隨其意樂同見佛益也上十九慈觀佛德無量功德併為我等若得往生必受用耳前雖別觀若無此觀佛德難盡故觀慈德利益無缺始普賢菩薩云者四十華嚴第四十文也二十欣求教文宿世值佛今得淨教進慶宿善退悅來緣何有懈倦也三明別利問信受憶念等者問上文既云近為

勤心之方便遠結見佛之因緣何來此問耶卷勤心
見佛為本更尋余益例如厭離明厭離為端尋餘勝
利云如是觀念有何利益今亦如是餘如下利益門
者此指當來勝利彼註文云已上諸文得菩提故應
寄事々勸發其心者先師云末代行者以此等文尤
可篤厲懈怠之心蓮華谷云要集肝要在託事觀云
敬佛房信受奉行我等尤追先蹤可屬心也云

往生要集卷中義記第五

